

სახალხო გაზეტი

საქართველო
საზოგადოებრივი განათლების
საზოგადოებრივი განათლების

გაზეტის № 802

ლაგატიის № 141

კვირა, 20 იანვარი 1913 წ.

მთხუც ბრალდების ზღაპარი

(მოთხრობა შ. არციბაშვილისა.)

შემოდგომის ცივი საღამო იყო. მიწურული მთვარე ტი-
ტველა ხეებს და გომურის შავს ბანებს ანათებდა. გაციებულ
ცაზე მთვარის კაშკაში შესახარი და უცნაური იყო. მიყრუ-
ებულ შავს მიწას,
რომელსაც არავითა-
რი სიცოცხლე არ
ეტყობოდა, თავს და-
სცქეროდა, რაღასაც
ჰხედავდა, რაღასაც
ჰგრძნობდა იმისთან-
ნას, რის ცოდნა და
გრძნობა ადამიანს არ
შეეძლო. ამ სიბნე-
ლით მოკულ უფს-
კრულზე ლურჯი ცე-
ცხლის ალი მოსჩან-
და, თავდახრილ მწვა-
ნე ბალახის ელვა-
რება ვილაცის ბედს
დასტიროდა.

ძველ თავადის აი-
ვანზე სანთელი ბუ-
ტავდა. ქუქუციან სუ-
ფრაზე, ქიქების და
ჭურჭლის შუა, ბრა-
ლმდებლად ნამყო-
ფის მოკლე თითები-
ანი ხელის შავი ჩრდი-
ლი მოსჩანდა.

ამ, ყველასაგან და-
ვიწყებულ ძველ თავ-
ადის სახლში, ერ-
თი მოხუცებული
ბრალმდებლად ნამ-
ყოფი სცხოვრობდა.
ლოთობას მისთვის
ყოველივე პატიოს-
ნება დაეკარგვინებო-
ნა. მისი უშველებე-
ლი თავი, დაბერე-
ბულ და უვარგის
დათვის თავს მოგა-
გონებდათ, რომე-
ლიც ყოველ სულ-
დგმულისგან დავი-
წყებული ტყის წვრი-
ლიანში მარტოდ-მა-
რტო კვდებოდა, რა-
დგანაც ის აღარავის-
თვის საჭირო არ
იყო.

მისი ლაპარაკი ყრულ მოისმოდა. ეტყობოდა, რომ დიდი-
ხანია არ ელაპარაკნა. იმისი ლაპარაკი ქაობის ბუყ-ბუყს მო-
გაგონებდათ. დროვამოშვებით, როდესაც ქალიან გაბრაზდებ-
ოდა, მამლაყინწასავით ყელში წამოიყვივლებოდა ხოლმე.

— ასე, ჩემო მეგობარო! — ეუბნებოდა ახალგაზდა, კოხტად
გამოწყობილ გამომძიებელ ვერიგინს, რომელიც ერთ გამოძიე-
ბიდან მეორე გამოძიებელ საქმის მოგზაურობის დროს, ძალა-
უნებურად, მასთან ჩამომხტარიყო. — ეგ, მხოლოდ მიღებულია,
რომ აგრე იფიქრონ... რადგანაც მათთვის ეგ უფრო ხელსა-
ყრელია... ვითომ ყველანაირი ქირი, სამართლის შეუსრულებ-



წყნარად, წყნარად, არ გააღვიძოთ!
ნახატი ტუმინისა.

ლობის გამო მოხდე-
ბა. ნამდვილად კი მი-
სი მიზეზი უფრო
ღრმად არის დამარ-
ხული... არ არსებობს
იმისთანა ჯილდო,
რომელშიაც უეჭვე-
ლად თუ პირდაპირ
არა, ბარბაროსული
უსამართლობა მაინც
იმალება. მე იმ დას-
კვნამდე მივედი, რომ
თუ ქვეყანაზე არსე-
ბობს იმისთანა ჯილ-
დო, რომელსაც შე-
იძლება პატივისცე-
მით მოეპყრო, ეს პი-
რადი ჯილდოა... ჰო,
ჩემო მეგობარო!.. ეს
ასეა, და ვოლტერის-
ნები ემაოდ ლაპარა-
კობენ. სამწუხაროა,
მაგრამ ბუნებრივია!..
ღიახ!.. მეგობარო,
ერთი ბოთლი მომა-
წოდეთ, დავლევ-
ავცივდა... შემოდგომა
წელს ადრე დაგვიდ-
გა.

— მომისმინეთ კი-
რილ კირილი! — წა-
მოიყვირა აღელვებ-
ბულმა ვერიგინმა. —
სისულელდეს ლაპარა-
კობთ! განა თქვენს
თავს ანგარიშს არ
აძლევთ?.. ეგ ხომ
ბარბაროსობაა, თვით
მსაჯულებათა, ლინჩეს
კანონია!

მოხუცებულ ბრა-
ლმდებელს სახე დაე-
მანკა და გამომთვრა-
ლი სახით სტუმარს
შეჰხედა.

— დაუბუბლოო
ბარტყო! — მოულო-
დნელის სიმკაცრით
წამოიყვირა ბრალმდებელმა — საიდან იცით: იქნება ლინჩეს კა-
ნონების ერთად-ერთი იდეალური ფორმაა მართსაჯულებისა,
რომლის გარშემოც მთელი კაცობრიობა ტრიალებს და ბო-
ლოს მაინც ვერ მიახწევს. შეიძლება იმიტომ, რომ ან ვაჟა-

ცობა არა ჰყოფნის, ან შეიძლება... მაინც რომ მიახწიოს, შეიძლება უარესი ჭირი დაატყდეს.

მოხუცი ბრალმდებელი გაჩუმდა, ქვეითა ტუჩი გამოიბერა და ლვინის წრუბა დაიწყო. მის ჟილეტს ლვინის წვეთები ეცემოდა და ლაქებად რჩებოდა; განიერი ყანყარა იმე გაებერა, გვეგონებოდათ შიგ რაღაც ცოცხალი ცხოველი დაბობლავსო.

— თუ ლინჩეს კანონს ასეთ აღტაცებაში მოჰყვებართ, რაღაა გგონიათ, რომ შესაძლებელი იქნებოდა უფრო დიდი უბედურება მოჰყოლოდა?.. ვგონებ სხვანაირად უნდა მომხდარიყო! — ძალდატანებულის ირონიით წამოიძახა გამომძიებელმა.

— განა მე ლინჩეს კანონი მომწონს? — გაიღიმა ბრალმდებელმა. — მე ქვეყანაზე არაფერიც არ მომწონს! მეგობარო, უპირატესობას ვაძლევ... კი არ მომწონს, უპირატესობას ვაძლევ... ამაში დიდი განსხვავებაა!.. ვთხოვთ ამას დიდი ყურადღება მიექციოთ. აი, უბედურება რად მოხდებოდა: ხალხის უმრავლესობა პირადი ჯილდოთი არა სცხოვრობს, და ვეჭვობ, რომ ოდესმე რამე წმინდა არსებულებოდა!.. წარმოიდგინეთ, რა მოხდებოდა, რომ ყველას ეს უფლება ჰქონოდა მინიჭებული!.. მთელს დედა-მიწის ზურგზე ვერ იპოვიდი იმისთანა ორ ადამიანს, რომელსაც ხელს არავინ არ ახლებდა და რომლებსაც არავითარი ავაზაკობა არ ჩაედინათ თავიანთ წარსულ სიცოცხლეში... ან კიდევ, ადამიანის ცხოვრებაში ხელი არ გაერიათ!

— რასა ბძანებთ! — ჩაიქნია ხელი ვერიგინმა, — ეგ უცხო განცენებული აზრია!

— არა, ეს განცენებული აზრი კი არა, სიმართლეა! აბა თქვენს ნაცნობებში ხუთი კაცი მაინც დამისახელებთ იმისთანა, რომ გულზე ხელი დაიდოთ და სთქვათ: ისინი ღირსნი არიან რომ იცოცხლონ, რადგანაც ყელზე სხვას არ ახვევიან, სხვას არაფერს ართმევენ, არავის არ უშლიან ცხოვრებას და იმათი ცხოვრება ეჭვის ლაქას არის მოშორებული! ჩვენთვის ვილაპარაკოთ: ამისთანა ხალხი, ხომ სამოთხის ღირსნი არიან!.. რად განაც ძველებურ ადათებით ეს ხალხი უცოდველია. მართალი და წმინდანი იქნებოდნენ. მხოლოდ სამოთხის კარის წინ ისპობა ცოდვა და იმის აქეთ კი ყველა დანაშაულობა სასჯელის ღირსია. რას იტყვიან? მართალს არა ვლაპარაკობ?

ვერიგინი მოხუცებულ ბრალმდებელს დალონებული შესცქეროდა, მაგრამ ვერ გაეგო, ხუმრობდა თუ მართლა ლაპარაკობდა, თავის თავს კი ნაწყენად ჰგონებდა. ბრალმდებლის მოკლე თითებზე, ქუჩყიან პარუსინის ჟილეტზე და ბებერ მსახიობისავით გაპარსულ ნიკაპზე, რომელიც დიდი ხნის გაპარსული იყო, ვერიგინს ბრაზი მოსდიოდა და სიძულვილი ამის ცქერის გამო უფრო და უფრო ეზრდებოდა.

— განვაგრძოთ ეს ლაპარაკი, — წამოიყვრა ბრალმდებელმა, რომელმაც პასუხის მიცემას აღარ მოუცადა, — წარმოიდგინეთ სამოთხე, ნამდვილი სამოთხე, რომელსაც ბავშობაში გვისახანდნენ. კისფერი მალლობი, ბალი, ისე, როგორც ერთი მნათობი, კეთილსულოვანი, ანგელოზნი და სხვა... და ვისაც თქვენ იცნობთ შიგ შეუშვით... აფიცრები, ღვდლები, მოხელეები, გიმნაზიელები, სტუდენტები, დიაკები... მერე ნახეთ სისულელედ გეჩვენებათ თუ არა, და ცოტათი მაინც არ შეგრცხვებათ, რომ ვითომც რაღაც სისულელედ, რაღაც სათაკილო საქმე ჩაგედინოთ...

— რა სისულელეა... რა შუაშია აქ სამოთხე? წამოიძახა გაბრაზებულმა ვერიგინმა.

— სამოთხე აქ ისე... წარმოსადგენად... როგორც სიმბოლო უცოდველობისა. იმნაირი ადგილი, სადაც მხოლოდ უმანკო კაცი შეგიძლიან წარმოიდგინო.

მოხუცებულმა ბრალმდებელმა რიგიანი ცხოვრების მოწინააღმდეგე ადამიანით დაუმაჯა:

— მერე, დამერწმუნეთ, რომ ყველა თქვენს ნაცნობებთან, რომელნიც თქვენ შეგიძლიანთ იმ ადგილას წარმოიდგინოთ, უთუოდ ხუთი მისთანა მშვენიერი გულუბრყვილო ქალი იქნება, რომლებსაც თავიანთ ქანწულობა ჯერ არ დაუკარგავთ. ასეა თუ არა? ხომ მართალს ვამბობ?

— ყური დამავდეთ...
— არა... ხომ მართალია? მაგალითად ქენიჩკა ლელეპნევა?.. ჰა?.. ამ სამოთხეში საკმაოდ გამჭვრეტ ტანისამოში გამოწყობილი... ჰა?

ამითი დამტკაცდა, რომ მოხუცებულ ბრალმდებელს ვერიგინის გულის ძვერა სცოდნია და თურმე დასცინოდა.

— მომისმინეთ! — ხმა მალლა წამოიყვრა გამომძიებელმა და ასადგომად მოემხადა.



საფრანგეთის ახალი პრეზიდენტი რაიმონდ პუანკარე.

მოხუცს შეეშინდა. უცბად წამოხტა, დაუჭირა გამომძიებელს ხელები, დიდის ვაი ვაგლახით სკამზე დასვა ღენა დაბმულმა ლულულუდით განაგრძო:

— კარგი, კარგი... ჩემო მეგობარო, მაპატიეთ, ნუ ჯავრობთ... მე არ ვიცოდი... ღმერთმანი მე თქვენი წყენა არ მინდოდა და ამას იქით ქენიჩკას დიდის პატივისცემით მოვეპყრობი... კარგია, გეყოფა, ნუ ჯავრობ...

ვერიგინი ხან წითლდებოდა და ხან ყვითლდებოდა, თან უთავბოლოდ ხელებს აცოდვილებდა.

— კარგია, მაპატიე, ჩემო მეგობარო... მართლა რა არის!.. ყველაფერი, ხომ სინამდვილედ არ უნდა მიიღო! ღმერთმანი, არავითარი ცუდი აზრი არა მქონია, ისე, როდესაც ვკამათობ... მეგობარო, ნუ ჯავრობ, აბა, დავლიოთ... კაი, მოხუცებულ კაცზე ჯავრობა გეყოფა... მე ისე ბებერი ვარ, რომ პაპად შეგფერი.

ვერიგინს შერცხვა, რომ მოხუცებული ასე თაღლითობდა, ცხვირი ჩამოუშვა, თავი შეიკავა, რომ სიმთვრალეს არ აელაპარაკებინა. გარემოებაც ხელს არ უწყობდა: ჯერ სადგურიდან ცხენები არ მოეყვანათ და ფეხით ხომ არ წავიდოდა.

ბრალმდებელმა ჩუქად შეხედა და თითქოს იქ არაფერი მომხდარიყოს, ისევ იმავე ხმით განაგრძო:

— იმ გულუბრყვილო ქალებზე იმისთვის დავიწყე ლაპარაკი, რომ თითონ ჩვენც უმწიკლონი არა ვართ... თუნდაც, ავიღოთ, იგივე სქესიური ვნება... მაგრამ ეს არაფერი, საქმე იმაშია, რომ გავისხნათ ხელები და საშუალება მივიცეთ მთელი კაცობრიობა აბსოლიუტურ სიმართლის ზომაში მოვიყვანოთ, რაშინ იძულებულნი ვიქნებოდით მთელი კაცობრიობა სიიდან ამოგვეშალა. უშველებელი აუტოდა — ფე მოხდებოდა... ჰო!

ბრალმდებელმა სანთლის წვერ ზევით ღამის სიბნელეს გაჰხედა, მისმა თვალემა ისეთი სიმკაცრით გაიელვა, რომ გამომძიებელმა იფიქრა:

— განა შენ შეგეძლო ეგ წმინდა გულით შეგესრულებინა! მაშინ ნათლად დაინახა, თუ რამდენად მალლა იღვა გამოუსადეგარ მკაცრ გამოსადეგ ბებერზე და დამშვიდდა.
— დიახ, დიახ, — წაილულულა ბებერმა დათვმა.
— ვისაც კი ვიცნობდი, სუყველანი მოვიგონე, ათას გვარ სხვა და სხვა ხალხს ვიცნობდი და არც ერთი მათგანი

ბალკანეთის ომი



ომალეთის 140 ზარბაზანი, რომელიც ბულგარებს დავლად დარჩა.

აბსოლიუტურ სიმართლის წინ არ არის იმისთანა წმინდა, რომ ყოველივე უფლების აყრის ღირსი არ იყვეს!.. რასაკვირველია ამას მე საზოგადოდ ვლამბარაკობ...

— ნუ თუ, არც ერთი! — შეუბრუნა სიტყვა გამომძიებელმა და თან შეკრთა, არ ვიცი სიცივისგან თუ იმ სურათის გამო, რომელიც მას თვალწინ წარმოუდგა.

— დიახ, დიახ... დაცინვით წარმოსაქვა ბრალმდებელმა:

— სოლოში ორი მართალი ადამიანი იყო, მე რომ ღმერთი ვყოფილიყავი იმ ორი ადამიანისთვის არ დავიწყებდი მოთმენას, იმ დროს როდესაც იქ რამდენივე მილიონი ხალხი ქვეყანაზე წვრილმან ანგარების გულისთვის ცხოვრობდა. უკაცრავად და, ამისთანა მათემატიკური ანგარიში დიდი სისულელეა.

ბრალმდებელი გაჩუმდა. დიდხანს თავს იქნევდა, გაპარსული ნიკაბი გულამდის დაუშვა.

ვერიგინიც გაჩუმებულიყო და ჩაფიქრებული გულმოდგინედ ყურს უგდებდა.

სიჩუმე ჩამოვარდა. მთვარე ჩასული იყო, მხოლოდ ერთი აღმასიური სხივი და ანათებდა.

მოხუცებულმა ბრალმდებელმა თავის აზრებს ჩუმად ჩაუტყინა და ღვინით საფე ბოთლს ხელი წაატანა. მოკლე თითებიანი მსხვილი ხელი ჭუჭყიან სუფრაზე მისკურავდა და თან შავი ჩრდილი მისდევდა.

— როდესაც ახლგაზდა გიყავი — დაიწყო ბრალმდებელმა ბრალმდებლის ამხანაგად დანიშვნის წინ ასეთი საქმე შემემთხვა: ერთი ცამეტ-თოთხმეტი წლის ბავშვი და ერთი დედაკაცი მოჰკლეს... მკვლელობა ძალდატანებით იყო მომხდარი, იმიტომ რომ გაეძარცვნათ... მკაცრი და ჭუჭყიანი საქმე იყო. საღამოთი მივედი, როგორც შევამჩნიე მოხელეები სუყოველთვის საღამოთი მიდიან... მივედი, თავი მოუყარეთ გაგებულ ხალხს და წავედი...

ცოტა ხანს გაჩუმდა, გეგონებოდათ იგონებსო.

— ქოხი, რომელშიაც მკვლელობა მოხდა სათბოში იდგა. როგორც გამოკვლევამ დაამტკიცა მოხუცებული დედაკაცი ღვინით ვაჭრობდა... მივედი... დაღალულები ვიყავით... შებინდებული იყო. დარაჯი ქოხის შორი-ახლო იდგა, — ეშინოდა. შევედი. მართლა, რომ ქოხია... დაბალი ჭერი, კუთხეში ხატი ჰკიდა, მაგიდაზე ხელსახოც გადაფარებული პური დევს, ფანჯარაზე სანთელი ანთია; რადგანაც გატეხილ ფანჯრიდან და ღია კარებიდან ქარი უბერავდა, სინათლე მოუსვენრად ქანაობდა. მართლა, რომ შესაზარი სანახავი იყო: მიწის იატაკზე, დახეულ პერანგში პირქვე წაგდებული და ტან დალურჯებული დედაკაცი ეგდო... მოჭრილი თავი მაგიდის ქვეშედან ცოცხალი ადამიანივით გამოიყურებოდა. როგორც ეტყობოდა მკვლელი დიდი ხანი წვალებულიყო, რადგანაც ქალი მძლავრი იყო და მკვლელი კი, როგორც მერე გამოიკვავა, სუსტი ყოფილიყო... მაგრამ როგორღაც მოეტყუებინა, პირქვე წაექცია და ზურგზე ფეხი დაეჯინა. როგორც ეტყობოდა დანით ეშუქებოდა და ფულსა სთხოვდა, ქალი კი არ აძლევდა. მაშინ თმებით გადაეწია თავი და დანით ყელი გამოეჭრა. ვასიებული კისერი უტბად ვერ მოეჭრა და, რო-

დესაც წინააღმდეგობა გაეწია, დანა ფერდში დაეცა და ფერდთან მომსკდარ სისხლს კედელი მთლად შეეღებოდა... როდესაც დედაკაცი დასუსტებულიყო, გადაეწია თავი და თავის საქმე განეგრძო. სჭრიდა დიდხანს და კოპწიად, ბოლოს კი ქალისთვის ცოცხალი თავი მოეშორებინა... პირველად დიდის ხმით ეყვირა მერე კი ხრიალით კვნესა დაეწყო... გლახობას, რასაკვირველია, შეშინებოდა და შიგ შესვლა ვერ გაებუნა, რადგან სწორედ იმ დროს სოფლის გარშემო ციგნები დაყაჩაღობდნენ; ხომ კარგად იცით, რომ რუსის გლახისთანა მშიშარა კაცი მთელ ქვეყანაზე არ მოიძებნება... დიახ... მერე, როდესაც დედაკაცს ყელი გამოსჭრა, იქვე შვიდი წლის ვაჟი და თოთხმეტის წლის ქალი იჯდა. აქაც სიმხეცემ მოუარა... ჯერ პირველად უნდოდა ქალისთვის ყელი გამოეჭრა, რომ ბოლოს არ ეცნო მას. წაავლო ხელი და ლოგინიდან უნდა გადმოეთრია, საცოდავი ქალი ლოგინს მოებლაუქა, გეგონებოდათ იმისგან შეველას მოეღისო. ამ ბლადუნში ბავშვს მთელი ტანისამოხი გაეხადა, რომ დანახა ტიტველი ტანი გაშმაგდა... ამას წინად ექვსი თვე ციხეში იჯდა და უქალობის შიმშილით კვდებოდა. რაც იმ ბავშვს დააწვია, ეს მართლმეტრია იცის!.. მუცელი სამგან გაუჭრა, ყელი გამოსჭრა და თითონ ისე გაისვარა სისხლში, რომ ყველა კედლები, იატაკი, აივანი და ალყაფის კარი სულ წაბილწა... კაცი სიტკბოებაში შევიდა! ეტყობოდა ამ ნეტარებით სული შეჭვებებოდა!.. გოგოსაგან პატარა ნაფლეთები-და დაეტოვებინა... აი ამ სურათით მოგვეგება ოთახი, როდესაც კარები შევალეთ და შიგ შევედით.

— დასწყევლოს ეშმაკმა! — წამოიძახა გამომძიებელმა.

— მაგრამ ამაზე უარესი იყო, — განაგრძო ბრალმდებელმა, — რომ ამ ყანაბობას, რომელიც კარგა დიდხანს გრძელდებოდა გოგოს პატარა ძმა სტიოპკა მალლიდან დასცქეროდა. მკვლელს მისი მოკვლაც უნდოდა, მაგრამ პატარა გოგოს სიტკბოებით დასუსტებულმა თავის გზას გადაუხვია. მან მხოლოდ მოავლო ხელი სტიოპკას, დანა მალლა ასწია, მაგრამ ამ დროს ბავშვმა საშინელი ხმით დაიწვილა:

— ვაიმე! ძია, ჩემო მშვენიერო! ჩემო ოქროს ძია! ხელს ნუ მახლებ!

და იმ ხელს, რომელმაც ის იყო ისე მხეკურად მოჰკლა მისი დედა და და, წოვნით კოცნა დაუწყა!.. მთელი სახე დე-



იზიდირა დუნკანის ცეკვა პატარა მოწაფეებით.

დის და დის სისხლით ჰქონდა მოსვრილი. თან წიოდა, თან კიოდა და თან ხელებს უკცონიდა. ამით ბოლოს სიცოცხლე გამოსტყუა!.. იმის ჩვენებით ბოლოს მკვლელი შევიპყრეთ.

ბრალმდებელი შეჩერდა.

როდესაც სტიოპკას ჩვენებას ვართმევდით ეტყობოდა, რომ მას თავის სიცოცხლე მუქთად არ შეენარჩუნებინა... იაფად არ დასჯდომოდა... მოგვიყვანეს გამხდარი სანთელისავით გაყვითლებული, დიდ თავა, თმებ გაგლეჯილი და თმებ ყალყდაყენებული ბავშვი, ჩვენების ჩამოსართმევად. ვეებერთელა თვალებს მხეკურად ახამხამებდა, გეგონებოდათ მისი მოზრდი-

ლი თვალეზი ბუდიდან გადმოცვინას ლამობსო. ენა ბაყაყივით თავის თავად პირიდან უფარდებოდა!.. მისი შეხედვა საშიშარი, შესაზიზღი და მასთანვე საცოდაობა იყო! ძალიან კარგი იქნებოდა ბავშვისთვის, რომ ისიც მოეკლა! აბა, რა... კაცს კი არა, რაღაც დამანქულ არსებას დამსგზავსებოდა...

ძლივ-ძლივობით ჩვენება ჩამოვართვით. მთელი სული ავხადეთ, მეორედ გამოვაცდევინეთ ის, რაც ერთხელ გამოსცადა, მაგრამ ბოლოს მაინც ჩვენება ჩამოვართვით...

— მერე რად?.. საცოდავი ხმით წამოიყვირა გამომძიებელმა.

მოხუცებულმა ბრალმდებელმა მკაცრად კბილები გააკრაქუნა.

— როგორ თუ, რად?.. მკვლელი ხომ უნდა აღმოგვეჩინა?.. რომ მართლსაჯულებამ განსაჯოს!.. თქვენ აგრე ჰფიქრობთ?.. მერე ხომ სტიოპკა ერთად-ერთი მოწმე იყო, და ეჭვიც იყო მიტანილი, რომ მკვლელი უთუოდ იმ სოფლელი იყო და ბავშვს უეჭველად ეცნობებოდა. მაშასადამე?..

ვერიგინი გაჩუმდა, ბრალმდებელი კი დიდ ხანს გესლიანად პასუხს ელოდა.

— ჰო, ასე კი... დედას, რომ თავი მოსჭრა, თავი გაგორდა, დედამ კი ჯოჯოსავით ოთხფეხზე დაიწყო ხტომა. სისხლი ქრილობიდან შედრევიანით ასხამდა... შემეშინდა და მალა ფეხზე ავედი, ტანკა კი შანიშანზე წამოწვა და გაჩუმდა... მერე, ვხედავ ტანკას მივარდა... მერე მე ის აღარ დამინახავს... მერე ტანკამ, რომ ყვირილი დაიწყო, იმან შეუტია:— გაჩუმდი თორემ მოგკლამო! და ტანკას დანა ატაკა. იმ დროს ვტიროდი და კედელზე თავს ვარტყავდი, დედას თავი კი მაგიდის ქვეშიდან მიცქეროდა.

— რასაკვირველია მკვლელი შევიპყართ. სამი თვის შემდეგ, ბრალმდებლის ამხანაგად დამნიშნეს და იმის დახრჩობას დავესწარი... ჩვენში მაშინ სამხედრო წესები იყო გამოცხადებული.

არ აგიწერთ იმას, თუ რა შთაბეჭდილება იქონია ჩემზე სიკვდილით დასჯის გაგებამ... გულზე რაღაც დამაწვა, შემრცხვა, შემეშინდა და შუბლზე ცივი ოფლი დამასხა, აი რის თქმაც შემიძლიან. ამასთანავე შემიძლიან ვითხრათ, რომ ის მკვლელი იმ ქოხში ან კიდევ მეორე დღეს შემხვედროდა, გეფიცებით პატიოსნებას, რომ ბაღლივით დავახრჩობდი! იქნება ისეთივე მხეცურად მომესპო იმისთვის სიკოცხლე, როგორც მან მოუხსპო... მე ვიცოდი, რომ ის შეიპყრეს და სიკვდილით დასჯა გადაუწყვიტეს. ხშირად ნაცნობებში მიხდებოდა ამაზე ლაპარაკი, რადგანაც პირველი სიკვდილით დასჯა იყო ჩვენს ქალაქში. მიუხედავად ახალგაზდობის პროტესტებისა მუდამ ვიმეორებდი:

— ახია იმ საძაგელზე! მე კი არ ჩამოვახრჩობდი, ასო ასო დავკუწავდი მეთქი!

რა, მართალი არ არის!.. აბა, ერთი მითხარი, რად უნდა შემეცოდებოდა? ვის უნდოდა, რომ არ მომკვდარიყო ნამდვილი მხეცი, რომელიც კაპეიკისთვის და თავისი ინსტიქტის დასაკმაყოფილებლად მზად იყო ყველანაირი სისაძაგლე ჩადინა!.. თქვენ მეტყვიით—კატორღა?.. განა კატორღას ვინმე გაუსწორებია?.. არა!.. მაშ, რაღა მოსაზრებაა, რომ ის სიბილწე რომელიმე დახშულ ოთახში იჯდეს და ათასი მშრომელი ხალხი აქმევედეს, ასმევედეს და ჰყარაულობდეს?.. მის არსებობაში სასიამოვნოს რამეს არავინა ჰხედავდა, მხოლოდ სიბილწე და სისაძაგლე კი მასში ბლომად იყო მოთავსებული!.. ლოდიკაც ამას გვეუბნებოდა, რომ ის ამოგვეშალა!.. მე მგონია, ავაზაკობაზე რომ მომესწრო და იქვე მომეკლა, არც სინანულს, არც ზნეობრივ შერყევას არ განვიცდიდი! პირ იქით მუდამ სიამოვნებით მოვიგონებდი, რომ იმ ბოროტებას და სიძულვილს, რომელიც მან თავის სიმხეციით ჩემს გულში აღძრა, ფართო გასავალი მივეცი.

სხვათა შორის, როდესაც გავიგე, რომ მის სიკვდილით დასჯას მე უნდა დავსწრობოდი, კინალამ დამბლად დავეცი და მთელი სამი დღე მოუხვეწრად დავიარებოდი! უეცრივ დამავიწყდა ვინ, რად, და რისთვის უნდა იტანჯოს. ვხედავდი მართო იმას, რომ ეს მკვლელი იყო, და ამ მკვლელიობაში!..

ლამე, სიკვდილის დასჯის რამდენიმე საათის წინ, მე და სხვები, ვინც კი კანონის ძალით დასჯას უნდა დავსწრობოდი, სულ შეხუთულნი დიდის ცერემონიით ციხეში გამოვცხადდით.

ყველანი დარწმუნებულნი ვიყავით, რომ იმას ეძინა... აღბად ხელოვნურ ნაწარმოებიდან ისე გვქონდა წარმოდგენილი, რომ იმათ, ვისაც სიკვდილით დასჯა აქვთ გადაწყვეტილი, უკანასკნელ ღამეს მაგრა სძინავთ... მაგრამ რა ეშმაკი დაიძინებს ამნაირ მდგომარეობაში, როდესაც მე თითონ იმ ღამეს ძილი სრულებით არ მომდიოდა და თუ ხანდისხან ჩამთვლემდა, უცბად გამომეღვიძებოდა და მთელ ტანზე ცივი ოფლი მესხა.

არავინ არ ვიცოდით, როგორ მოვქცეულიყავით და ამიტომაც უთავბოლოდ ავირიენით... ყველანი გამოშტერებულნი ვიყავით, გეგონებოდათ სიკვდილის ალში იწვიანო... ყველაზე ძალიან დავთრები თვით ციხის უფროსს აერია. არ ვიცი რად, მხოლოდ ყველას აუკრძალა იმ ტალანში შესვლა, სადაც დამნაშავე იჯდა, მხოლოდ მართო ერთი პენსენის პოლკის დარაჯი დააყენა. როგორც ეხლა მაგონდება... ყველანი რაღაც არაჩვეულებრივ ადამიანებად გადიქცენ. ციხის უფროსი ერთ ადგილს არა ჩერდებოდა და ბებერი დედაკაცივით წამ-და-უწუმ საათს უცქეროდა... საათი ვერცხლისა იყო... მახსოვს ჯალათი კარებთან როგორ მიიყვანეს. იცით, მე ჯალათი ათას ნაირად მყვანდა წარმოდგენილი, ოღონდ ისეთი კი არა როგორც გამოდგა. წარმოდგენით ოპერეტული ფიგურა, შავ ღომინით, შავ ხელთათმანებით, რაღაც არაჩვეულებრივ ნიღაბით, რომლის ქვეშიდანაც ორი წითელი თვალი გამოიყურება, იმის ქვეით შეკრეპილი ქალარა წვერი მოსჩანდა. ამბობდნენ, რომ ის ვილაცა, გიმნაზიის მასწავლებელი იყოვო, მაგრამ სიცრუეა. გვერძე გავვიარა, ყველას ეშინოდა ხელი არ ჩამოგვართვასო... ხომ შეეძლო ხელის ჩამორთმევა!.. რატომაც არა?—იმან თოკის საპნა-გამოყუფვა დაიწყო, ჩვენ მოგქმედობდით ისე როგორც კი შეგვეძლო, რომ იმისთვის ხელი არავის შეეშალა და კაცი გასაპნულ თოკსვე წაშვლოდა.

ვათენებისას ვაყვითლებულნი, თავზარდაცემულნი, შიშისაგან ფერმიხდილნი, ციხეში ჩუმად შევიპარენით, მუხლები, რაღაც საზიზღარ სისუსტის გამო გვეკეცებოდა. წინ ციხის უფროსი ფეხის თითებით მიგვიძლოდა, მას ჟანდარმის აფიცური მისდევდა, მერე მე მივდიოდი, ჩემ შემდეგ დაბალ-დაბალი შავი მღვდელი, რომელიც ყოველ ნაბიჯის გადადგმის შემდეგ იატაკზე ჯდებოდა. ციხეში არაჩვეულებრივი სიჩუმე იყო. სიკვდილით დასჯის დღე საიდუმლოდ იყო შენახული და ამიტომ ყველას ეძინა. მაგრამ მაინც იმ დროს, როდესაც ტუსალების კარებების ფანჯრებთან გავივიციდით, მუდამ შუბლზე ცივი ოფლს გვასხამდა. დარწმუნებულნი ვიყავით, რომ თუ გაიღვიძებდნენ ერთი აურზაური ასტყდებოდა, დაიწყებდნენ: სტვენას, კარების და ფანჯრების მტვრევას, ყვირილს და ლანძღვა გინებას... და თუ შესაძლებელი იქნებოდა პირში შემოგვაფურთხებდნენ... გულში კი ვგრძნობდით, რომ ეს ჩვენ დამსახურებული გვქონდა. ჰო, და რა, იმაზე უარესის ჩადენა რასაც ჩვენ ჩავდივართ მე წარმოდგენითაც ვერ წარმომიდგენია. მაგრამ მადლიობა ღმერთს... დაცინვით ჩაურია ბრალმდებელმა.—თუმცა კი ცივი ოფლში ვიწურებოდი, მაგრამ როგორც იყო მივანწიეთ. მაგრამ იმ ტალახში, სადაც იმის კამერა იყო, რაღაც ძნელად წარმოსადგენი მოგველოდა...

(დასასრული იქნება).

ინი.

